



Na osnovu člana 24. stav (3) Zakona o konkurenciji („Službeni glasnik BiH“, br. 48/05, 76/07 i 80/09), člana 61. stav (2) Zakona o upravi („Službeni glasnik BiH“, br. 32/02, 102/09 i 72/17), a radi omogućavanja zaštite na radu zaposlenih u Konkurencijskom vijeću Bosne i Hercegovine u skladu sa članom 32. Zakona o radu u institucijama Bosne i Hercegovine („Službeni glasnik BiH“, br. 26/04, 7/05, 48/05, 60/10, 32/13, 93/17 i 89/18), a na osnovu zaključaka sa vanredne sjednice Konkurencijskog vijeća, održane dana 02.07.2020. godine, predsjednik Konkurencijskog vijeća donosi

### **UPUTSTVO**

#### **o postupanju Konkurencijskog vijeća Bosne i Hercegovine u vezi sa prisutnošću virusa Covid 19**

##### **Član 1.**

Zaposleni u Konkurencijskom vijeću kojima je određena epidemiološka mjera samoizolacije, obavezuju se da u bilo kom trenutku u toku trajanja radnog vremena, u periodu od 9.00 – 17.00 sati, budu dostupni predsjedniku Konkurencijskog vijeća i članovima Konkurencijskog vijeća, te da postupaju po nalogu istih.

##### **Član 2.**

Zaposleni u Konkurencijskom vijeću kojima je određena epidemiološka mjera samoizolacije, odnosno rad na daljinu, ostvaruju sva prava iz radnog odnosa u pogledu plaća i naknada plaća, osim naknade za prijevoz, a koja se ostvaruje shodno evidenciji o stvarnom broju dolazaka na posao u prostorije Konkurencijskog vijeća.

##### **Član 3.**

Po prispjeću pošte u Konkurencijsko vijeće, tehnički operateri šalju istu članovima Konkurencijskog vijeća i državnim službenicima u samoizolaciji, u skladu sa zaduženim predmetima.

##### **Član 4.**

- (1) Svi zaposleni koji rade u Konkurencijskom vijeću, posebno sa trećim osobama (strankama), ili se očekuje da mogu imati takav kontakt radi zaprimanja akata, dužni su se strogo pridržavati donesenih mjera od strane entitetskih i kantonalnih tijela, u prostorijama Konkurencijskog vijeća.
- (2) Svi zaposleni koji rade u Konkurencijskom vijeću su obavezni nositi zaštitne maske, kao i koristiti dezinfekcijska sredstva za čišćenje radnih površina, čistiti i provjetravati radne prostorije 3-4 puta u toku dana, te obavezno održavati udaljenost od najmanje 1 metra između osoba u kontaktu.
- (3) Zaposleni u Konkurencijskom vijeću, stranke u postupku, kao i druge osobe koje imaju namjeru kontaktirati sa zaposlenim u Konkurencijskom vijeću, prije pristupa radnom

mjestu, dužne su se javiti ovlaštenom državnom službeniku Mladenu Ignjiću, ili drugom zaposlenom kojeg predsjednik (u slučaju odsutnosti imenovanog), ovlasti, kako bi se izvršilo mjerenje tjelesne temperature. Ukoliko tretirane osobe budu imale temperaturu veću od 37°C, ne mogu pristupiti u prostorije Konkurencijskog vijeća. O istim mjerenjima ovlašteni državni službenik, dužan je voditi evidenciju na obrascu koji će mu biti propisan i odobren od strane predsjednika Konkurencijskog vijeća.

#### **Član 5.**

Preporučuje se zaposlenim u Konkurencijskom vijeću da što je moguće u manjoj mjeri posjećuju bife, restoran kao i druga mjesta sa potencijalno većom koncentracijom ljudi u kancelarijama Konkurencijskog vijeća, kao i prostore u zgradi i van zgrade.

#### **Član 6.**

Svako nepostupanje osoba navedenih u ovom Uputstvu, povlači disciplinsku i krivičnu odgovornost.

#### **Član 7.**

Ovo Uputstvo stupa na snagu danom donošenja, i ostaje na snazi sve dok traju okolnosti u vezi sa prisutnošću virusa Covid -19, odnosno do drugog akta predsjednika Konkurencijskog vijeća.

Broj: 01-02-2-143-1/20  
Sarajevo, 03.07.2020. godina



Predsjednik  
dr. Stjepo Pranjić

#### **Dostavljeno:**

- Svim zaposlenim u Konkurencijskom vijeću
- Oglasna ploča Konkurencijskog vijeća
- Pravna služba
- a/a